

latio seu commutatio. Quæ quidem partim Grammaticæ & Rethoricæ, partim Logicæ sunt considerationis.

Status Definitionis est cum de nominis alicuius definitione est controuersia. Vt, An furtum sit nominandum spoliū Ægyptiorum? An Abraham dicendo saram esse sororem, mendacium commiserit? An sacrilegus sit, qui in loco sacro furatur rem profanam, vel rem sacram ex loco profano?

2. *Status contrariarum legum est cum controuersiam pariunt contraria leges aut sententia.* Vt cum dicit Paulus hominem iustificari sola fide absque operibus legis: Iacobus vero asserit hominem non iustificari sola fide absque operibus legis.

3. *Status scripti & sententiæ est cum controuersia oritur ex verbis scriptis,* quando videlicet scriptum seu τὸ ῥητὸν ἢ ἀναγοίας seu mente & voluntate auctoris discrepat, vt cum dicit Christus Matth. 5. v. 29. Si oculus tuus dexter scandalizauerit te, eruas eum. At hic τὸ ῥητὸν retineri non potest, quia pugnat cum præcepto Domini, Non occides. Hic itaque oritur status scripti & sententiæ.

4. *Status ambigui est cum verbum aut sententia ambigua dissensionem parit.* Vt Matth. 1. v. 25. Ioseph non cognouit Mariam donec peperit filium suum primogenitum, vbi Donec particula ambiguitatem parit.

5. *Status ratiocinationis est cum incidit casus aliquis qui certam legem non habet.* Ideoque ex similibus factis ratiocinando deceditur, vt de pædobaptismo non extat expressum testimonium, sed ratiocinando colligitur eos baptizandos esse, quia videlicet saluandos oportet per baptismum inferi Christo.

6. *Translationis status est cum non respondetur ad rem, sed reiicimus actionem in aliud tempus.* Sed de statibus plura infra dicemus. Item de his legatur Quintilianus lib. 3. cap. 6. 7. 8.

Tantum de Themate: sequitur Argumentum.

COgnito themate alter succedit labor in inueniendis argumentis. *Argumentum est id quo thema arguitur, id est, declaratur vel demonstratur.* Dicitur alias ratio, item probatio. Horum doctrina ex arte Logica est petenda.

Argumentorum inuentio *generalis* est vel *specialis*. *Generalis*, quæ in omni negotio seu themate per decem argumentorum Logicorum genera considerari potest, quæ sunt Causa, Effectum, Subiectum, Adiunctum, Dissentanea, Comparata, Nomen, Distributio, Definitio, Testimonium. Quæ breuius ad has septem classes rediguntur, videlicet Consentanea, Dissentanea, Comparata, Nominum explicationem, Distributionem, Definitionem & Testimonium. Tot enim sunt summa genera seu capita argumentorum Logicorum, quot sunt rerum arguendarum affectiones, quæ septem sunt, videlicet, Consensio, Dissensio, Comparatio, Nominum explicatio, Distributio, Definitio, Testimonium.

Hæc decem argumenta sunt summa rerum omnium & cognitionis atque

Argumē-
torum in-
uentio.

Argumen-
ta Logica
quæ &
qualia.

Argumē-